



## Grow Your Own Early Childhood and Family Educators Grants – Nyiaj Pab Los Ntawm Lub Xeev FY 25 – Lwm Thib 2

### Cov Ntawv Qhia

**RAU:** Cov chaw tu me nyuam yaus hauv tsev uas muaj daim ntawv tso cai hauv Minnesota, los sis cov chaw tu me nyuam yaus uas muaj daim ntawv tso cai, cov tsev kawm ntawv hauv zej zog los sis cov tsev kawm ntawv charter rau cov kev kawm thaum pib, cov Head Start programs, cov tsev kawm ntawv loj, thiab lwm cov koom haum pab zej zog uas tsis los ntawm tsoom fww.

**LOS NTAWM:** Nikki Kovan, Early Learning Services

**COV KAUI RUAM UA:** Daim ntawv thov uas kos npe thiab raug xa lawm, yuav tsum tau txais ua ntej (tsis yog xa ua ntej hnuv): Lub Kaum Hli 18, 2024 thaum 5 teev tsaus ntuj sij hawm Central.

### Hom Phiaj thiab Hau Kev Pab Los Ntawm Txoj Kev Pab Nyiaj

Lub Minnesota Department of Education muab cov nyiaj no rau kev pab cuam Grow Your Own Early Childhood and Family Educator programs kom tsim tau ib pawg neeg ua hauj lwm rau kev kawm thaum ntxov uas zoo dua. Tsis tas li xwb, lub hom phiaj yog kom lawv qhia cov tub ntxhais kawm ntawm txhua haiv neeg hauv xeev, kom muaj vaj huam sib luag thiab kom sawv daws tau cov kev qhia ntawv kom tshaj lij. Cov chaw tsim nyog muaj xws li, Cov Chaw Tu Me Nyuam Yaus hauv Tsev Neeg uas muaj Daim Ntawv Tso Cai hauv Minnesota, los sis Cov Chaw Tu Me Nyuam Yaus uas muaj Daim Ntawv Tso Cai, Cov Tsev Kawm Ntawv Hauv Zej Zog los sis Cov Tsev Kawm Ntawv Charter rau Cov Kev Kawm Thaum Pib, Cov Head Start programs, Cov Tsev Kawm Ntawv Loj, thiab Lwm Cov Koom Haum Pab Zej Zog uas Tsis Los Ntawm Tsoom Fww (yog daim ntawv thov uas hu ua tias “collectively” rau cov kev kawm thaum yau). Qhov no kuj tuaj yeem thov tau nyiaj pab los npaj, tsim, los sis nthuav txoj kev dav rau txoj hau kev muaj cov xib fwb kev kawm thaum ntxov uas tau daim ntawv pov thawj, los sis degree.

### Cov Kev Tsim Nyog Tau

Cov kev tsim nyog muaj rau Cov Chaw Tu Me Nyuam Yaus hauv Tsev Neeg uas muaj Daim Ntawv Tso Cai hauv Minnesota, los sis Cov Chaw Tu Me Nyuam Yaus Uas Muaj Daim Ntawv Tso Cai, Cov Tsev Kawm Ntawv Hauv Zej Zog, los sis Cov Tsev Kawm Ntawv Charter rau Cov Kev Kawm Thaum Pib, Cov Head Start programs, Cov Tsev Kawm Ntawv Loj, thiab Lwm Cov Koom Haum Pab Zej Zog uas Tsis Los Ntawm Tsoom Fww uas muab kev pab cuam rau cov neeg koom/tsev neeg feem ntau los ntawm Minnesota.

## Cov Nyiaj Pab Uas Muaj

Cov nyiaj pab tau muab los ntawm [Laws of Minnesota 2023, chapter 54, section 6](#).

Qhov kev pab nyiaj no kwv yees tias muaj \$2,325,000, txhawm rau 15-20 qhov nyiaj pab rau xyoo 2025. Yog ua tau, lub xeev yuav muab nyiaj pab sib npaug rau hauv cheev tsam greater Minnesota thiab hauv metro. Yog ua tau, lub xeev yuav tawm tswv yim txog kev faib nyiaj txiag rau ntau hom kev pab cuam, uas tsim nyog raws li hom phiaj/koom haum (piv txwv, kev pab cuam tu me nyuam, Head Starts, kev kawm qib siab, tsev kawm ntawv, kev pab cuam hauv zej zog).

Lub Xeev muaj cai muab nyiaj pab rau tus neeg thov raws nws siab nyiam, thiab lub Xeev muaj cai txo qhov kev pab kom txawv tus zauv nyiaj teev saum toj no.

## Sij Hawm Tau Nyiaj Pab

Lub sij hawm nyiaj pab thawj zaug yuav **kws yees** pib rau hnuv lub lb Hlis 1, 2025. Cov neeg thov nyiaj pab tuaj yeem xaiv tau hnuv uas kev nyiaj pab xaus, raws li hom ntawv pov thawj los sis cov degrees uas lawv xav txhawb nqa. Cov kev xaiv hnuv xaus muaj xws li: Lub Rau Hli 30, 2025; Lub Rau Hli 30, 2026; Lub Rau Hli 30, 2027; los sis Lub Rau Hli 30, 2028

## Lub Xeev Muaj Cai Tshem Tawm Cov Nyiaj Pab

Qhov kev pab nyiaj no tsis yuam lub Xeev kom muab daim ntawv cog lus. Lub Xeev muaj cai tso tseg qhov kev pab nyiaj yog tias nws txiav txim siab tias qhov no yog qhov zoo tshaj rau nws, vim yog tsis muaj nyiaj txiag txaus, kev hloov pauv hauv lub koom haum qhov tseem ceeb, los sis lwm yam laj thawj.

## Seem Qhia Txog Cov Ntawv

### Cov Ntawv Qhia Txog Lub Hom Phiaj Thiab Qhov Keeb Kwm

Hauv Minnesota, tsis muaj xib fwb txaus uas qhia kev kawm thaum ntxov thiab kev kawm rau tsev neeg. Cov kev pab cuam kev kawm thaum ntxov uas zoo, xav tau cov xib fwb tshaj lij uas txawj ua hauj lwm nrog cov me nyuam yaus. Qee thaj tsam hauv lub xeev, tsis muaj cov kev pab cuam kev kawm thaum ntxov kom ntau, thiab ua rau cov niam txiv nrhiav kev saib xyuas me nyuam, los sis kev kawm ntawv rau lawv cov me nyuam nyuaj kawg nkaus li. Vim muaj li no, lawv thiaj li nrhiav tsis tau cov chaw ze lawv lub tsev los sis chaw ua hauj lwm.

Cov kev pab cuam Grow Your Own (GYO) rau Early Childhood thiab Family Educators yog kev sib koom tes ntawm cov kev npaj qhia xib fwb kev kawm thaum ntxov, cov kev pab cuam saib xyuas thiab kev kawm thaum ntxov, thiab cov koom haum hauv zej zog. Cov kev sib koom tes no pab nrhiav thiab cob qhia cov tswv cuab hauv zej zog, (xws li cov niam txiv, cov neeg pab hauv chav kawm, thiab cov tub ntxhais kawm ntawv qib siab) kom lawv dhau los ua xib fwb qhia kev kawm thaum ntxov thiab muab kev saib xyuas me nyuam hauv lawv zej zog.

Qee cov GYO ECE programs muab kev txhawb rau cov neeg uas npaj siab los ua xib fwb. Xws li, nws muaj cov nyiaj pab yuav khoom, muaj nyiaj pab kawm ntawv, thiab muaj kev qhia txog txoj hauj lwm.

## **Qauv Dej Num Uas Muaj Feem Xyuam Nrog Lub Hom Phiaj Ntawm Cov Nyiaj Pab**

- Muab cov nyiaj pab kawm ntawv los sis cov nyiaj pab rau cov neeg koom uas tab tom kawm xav tau daim ntawv pov thawj, los sis degree hauv kev kawm thaum ntov. Qhov no tuaj yeem suav nrog cov ntawv tso cai xws li, Birth to Third Grade teacher, Early Childhood Special Education teacher, Parent Education teacher. Qhov no muaj tshwm sim los ntawm kev pom zoo los ntawm PELSB. Kev pab txhawb yeej muaj tib yam nkaus rau cov neeg uas xav tau daim bachelor's degree, daim associate's degree, los sis kev loj hlob ntawm me nyuam yaus, los sis Child Development Associate (CDA), los sis lwm yam kev kawm uas txuas rau kev kawm thaum ntov.
- Muab cov kev pab cuam thiab kev txhawb nqa rau cov neeg kawm ua xib fwb, kom pab tau lawv xeeb kom dhau daim ntawv tso cai thiab lawv qhov degree program.

## **Cov Kev Cia Siab Tshwj Xeeb Rau Qhov Kev Pab**

Cov neeg tau txais nyiaj pab yuav tsum ua raws cov kev nqe lus uas muaj hauv qab no:

- Ua daim ntawv tshaj tawm kom tiav txhua xyoo, uas tau npaj los ntawm cov neeg ua hauj lwm rau MDE, hais txog kev koom nrog qhov program, cov dej num, thiab kev ua tau zoo uas muaj txiaj ntsig.
- Koom nrog kev soj ntsuam txhua peb lub hlis nrog cov neeg ua hauj lwm rau MDE hais txog kev loj hlob, kev nce qib, thiab kev xav tau ntawm qhov program.
- Muab cov kev xyuum uas ua tau zoo faib rau lwm cov neeg tau txais nyiaj pab thiab nrog MDE.
- Ua raws txhua cov cai uas teev tseg ua ntej txog sij hawm las nyas cov ntaub ntawv.

## **Cov Kev Cia Siab Feem Ntau Rau Cov Neeg Tau Nyiaj Pab**

Xa cov ntaub ntawv qhia nyiaj txiag thiab cov ntawv qhia kev nce qib raws li lub sij hawm tau teev tseg hauv Official Grant Award Notification.

Tswj ib phau ntawv sau taug qab txog cov nyiaj pab uas tau siv thiab them rov qab, nrog rau cov ntaub ntawv txhawb nqa.

Yog tias koj lub tsev kawm yog lub tsev kawm hauv zej zog Minnesota, los sis yog ib lub tsev kawm ntawv charter, koj yuav tsum siv Uniform Financial Accounting and Reporting Standards (UFARS) thiab lwm cov ntaub ntawv teev nyiaj txiag uas muab los ntawm lub koom haum.

Yog tias kev ntiav cov neeg muaj ntawv cog lus muaj kev tso cai rau koj txoj kev siv cov nyiaj, ua raws li cov cai ntawm lub xeev thiab tsoom fww. Tsis tas li ntawd xwb, xaiv cov neeg uas tsim nyog, uas tsis raug txwv los sis ncu, tsis muaj kev txhaum cai, thiab muaj ntawv pov thawj.

Ua ntej kos npe rau daim ntawv pab nyiaj thiab yog tias qhov nyiaj pab tshaj \$25,000, lub Minnesota Department of Education (MDE) yuav tsum ua ib qho kev tshuaj xyuas seb tus neeg thov puas muaj peev xwm tuav tau cov nyiaj.

Yog tias koj qhov nyiaj pab tshaj \$50,000, peb yuav tsum saib xyuas koj qhov nyiaj pab ib zaug twg rau sij hawm pab nyiaj. Yog tias koj qhov nyiaj pab ntau dua \$250,000, peb yuav tsum saib xyuas koj qhov nyiaj pab txhua xyoo.

## **Cov Kev Pab Rau Cov Neeg Thov Nyiaj Pab**

### ***UFARS Cov Kev Las Nyas***

Cov tsev kawm ntawv hauv Minnesota thiab cov tsev kawm ntawv charter yuav tsum tshaj tawm lawv cov nyiaj siv raws li cov lus qhia hauv [Uniform Financial Accounting and Reporting System](#).

### ***Cov Cuab Tam Muaj Nyiaj***

[Read the Capital Assets Guide](#).

### ***Cov Kev Npaj Rau Kev Ncig Txawv Lav***

[Commissioner's Travel Reimbursement Plan](#).

### ***Cov Cai Txog Kev Tswj Cov Nyiaj Pab Los Ntawm Lub Xeev***

[The Minnesota Office of Grant Management Policies](#).

## **Cov Ntsiab Lus Hauv Daim Ntawv Thov Nyiaj Pab**

### ***Daim Coversheet Ntawm Daim Ntawv Thov***

Daim coversheet yuav tsum muaj:

1. Tus neeg muaj cai (IOWA) yuav tsum tau kos npe ua tus neeg thov ntiag tug. Yog tias ib tus neeg saib xyuas nyiaj txiag sawv cev rau lwm lub koom haum, ces tus neeg saib xyuas nyiaj txiag thiab tus neeg sawv cev ntawm lub koom haum ob leeg yuav tsum kos npe. Tus neeg saib xyuas nyiaj txiag thiab lub koom haum yuav tsum muaj ib tsab ntawv pom zoo cia tseg.
2. Cov ntaub ntawv tiv tauj rau lub koom haum, tus thawj coj ntawm lub koom haum, tus neeg hu rau thiab tus thawj coj hauv chaw ua hauj lwm nyiaj txiag los sis chaw ua lag luam.

Koj yuav tsum muab koj lub koom haum qhov ZIP code thiab. Saib qhov website ntawm [United States Postal Service](#) kom nrhiav tau qhov ZIP code kom raug.

### **Tus Zauv Txheej Xyuas Uas Yuav Tsum Muab**

**Koj lub koom haum tej zaum twb muaj cov zauv no lawm; xyuas nrog koj lub chaw ua lag luam kom paub tseeb.**

1. Minnesota Statewide Integrated Financial Tool System (SWIFT) Supplier ID (*yuav tsum muaj rau txhua tus neeg thov*).
  - Yog tias koj tab tom thov raws li tus neeg saib xyuas nyiaj txiag, tus zauv SWIFT Supplier ID uas koj muab yuav tsum yog rau tus neeg saib xyuas nyiaj txiag uas yuav tau txais thiab tswj cov nyiaj pab.
  - Tau txais tus [SWIFT Supplier ID](https://mn.gov/mmb/accounting/swift/vendor-resources/) (https://mn.gov/mmb/accounting/swift/vendor-resources/).
2. Unique Entity Identifier (UEI).
  - Txhua lub koom haum uas tab tom thov nyiaj pab los ntawm tsoom fwm yuav tsum muaj tus zauv Unique Entity Identifier (UEI). UEI yog ib tug zauv cim tshwj xeeb uas muaj kaum ob tus zauv siv los taug qab seb yuav siv cov nyiaj pab tsoom fwm li cas. Zauv no hloov tus Data Universal Numbering System (DUNS Number).
  - Sau npe rau los sis xyuas kom muaj tus [UEI number](https://sam.gov/content/home) (https://sam.gov/content/home).
3. MDE Organization Site Number (yuav tsum muaj rau cov tsev kawm ntawv hauv zej zog thiab cov tsev kawm ntawv charter. Tsis xav tau rau cov koom haum ntiag tug, tsis yog nyiaj tau los, los sis tsis yog tsoom fwm).
  - Tau txais tus [MDE organization number](https://education.mn.gov/MDE/dse/datasub/SiteVerif/) (https://education.mn.gov/MDE/dse/datasub/SiteVerif/).

***Kev Cog Lus – Cov Qauv thiab Kev Pab Tshwj Xeeb***

Thaum koj kos npe rau daim ntawv thov, koj paub meej tias koj tau nyeem daim ntawv thov thiab tias koj pom zoo ua raws li cov cai ntawm daim ntawv, cov kev lees paub teev ntawm no thiab nyob hauv Official Grant Award Notification (OGAN), nrog rau tag nrho lwm cov kev cai tsoom fwm, cov cai hauv xeev, thiab cov cai hauv zos uas cuam tshuam nrog.

***Cov Ntsiab Lus Piav Qhia ntawm Daim Ntawv Thov thiab Nyiaj Txiaj***

Hauv seem no, sau koj cov lus teb rau cov ntu hauv qab no. Cim npe rau txhua ntu muaj npe hauv daim ntawv thov. Tag nrho cov qhab nees muaj peev xwm tau siab tshaj yog 100.

***Lub Koom Haum thiab Ntsiab Lus Ntawm Qhov Kev Pab – 10 Qib Yog Qhov Qhab Nees Tau Siab Tshaj***

Qhov no yog ib feem ntawm daim ntawv thov uas yuav tsum piav cov ntsiab lus txog koj lub koom haum, thiab lub luag hauj lwm txhawb nqa cov neeg ua hauj lwm rau early childhood. Tsis tas li, nws yuav tsum piav qhia txog koj lub koom haum txoj kev npaj rau qhov phiaj xwm thiab lub hom phiaj ntawm txoj kev siv cov nyiaj pab no. Lub ntsiab lus yuav tsum suav nrog:

- Qhov keeb kwm thiab cov qauv khiav hauj lwm ntawm koj lub koom haum, thiab nws yuav tsum piav txog kev txhawb nqa cov xib fwb qhia kev kawm thaum ntxov. Piv txwv hais tias, nws piav txog koj lub koom haum uas yog ib lub chaw tu me nyuam private uas ntiav cov xib fwb qhia kev kawm thaum ntxov, los yog ntiav cov xib fwb qhia uas tau daim ntawv ob xyoos, muaj kev koom tes hauv zej zog thiab muab kev pab cuam nrhiav hauj lwm thiab kev qhia rau cov xib fwb, los muaj lwm yam.
- Qhov Economic Development Region(s) koj lub koom haum thiab/los sis koj cov kev koom tes tau txais kev txhawb nqa, thiab seb qhov ntawd cuam tshuam li cas nrog lub hom phiaj ntawm cov nyiaj pab no.

- Qho kev txheeb xyuas txog koj qhov Grow Your Own Early Childhood and Family Educator Program Plan, thiab piav qhia kev txhawb nqa rau cov neeg koom (piv txwv, txog cov nyiaj pab, los sis lwm yam kev txhawb nqa.).
- Piav qhia seb koj txoj kev npaj txhawb lub hom phiaj ntawm ib qho hauj lwm “Grow Your Own” yuav pab tau tib neeg li cas? Koj puas tau koom tes nrog lwm lub koom haum kom ua lub hom phiaj no tiav? Yog tias muaj, koj tau koom tes nrog lub koom haum twg?
- Kwv yees tus zauv ntawm cov neeg koom uas koj lub koom haum vam tias yuav txhawb nqa thiab qhia txog cov ntawv pov thawj, cov degrees, los sis kev cob qhia uas koj xav tias cov neeg koom yuav tau txais.
- Muab ib daim ntawv teev sij hawm rau cov dej num uas koj npaj yuav siv nyiaj pab los ua. Thov siv daim ntawv qhia yog tias xav paub txog cov kev xaiv ntawm lub sij hawm tau cov nyiaj pab. Cov neeg tau txais nyiaj pab tuaj yeem thov tau nyiaj ntxiv rau cov sij hawm tom ntej.

### **Daim Ntawv Qhia Txog Kev Xav Tau – 25 Qib Yog Qhov Qhab Nees Tau Siab Tshaj**

Piav txog txoj kev xav tau ntawm lub hom phiaj no, suav nrog cov kev txiaj ntsig rau cov neeg uas yuav tau qhov kev pab no thiab. Muab cov ntaub ntawv uas txheeb txog cov kev xav tau no. Piav txog yam koj tab tom ua tam sim no, los txhawb kev loj hlob ntawm cov xib fwb qhia kev kawm thaum ntxov, thiab yuav ua li cas qhov nyiaj pab no thiaj li txhim kho tau, nthuav tau, los sis txhawb tau koj?

Qhia txog cov teeb meem twg, yog muaj, uas koj los sis koj lub koom haum koom tes tab tom ntsib, thiab piav qhia seb qhov nyiaj pab no yuav pab koj daws cov teeb meem ntawd li cas.

- Cov kev pab cuam saib xyuas me nyuam yaus thiab kev kawm ntawv nyob hauv zej zog tsawg dhau lawm (piv txwv, qhov kev pab cuam nyob ze nyob 30 mais deb, muaj ntau qhov kev pab cuam uas raug kaw lawm, los sis npaj yuav kaw, los sis tsis muaj chaw tu me nyuam txaus, uas muaj ntawv tso cai yuav pab tau cov me nyuam hauv zej zog)
- Cov kev pab cuam txais tsis tau cov me nyuam kev cuv npe, vim cov neeg ua hauj lwm tsis txaus
- Cov xib fwb qhia ntawv rau ib sab seem thiab cov xib fwb txhawb tsis muaj txaus rau lub luag hauj lwm ntawd
- Cov xib fwb thiab cov neeg ua hauj lwm tsis muaj sij hawm so txaus, los sis, tsis muaj sij hawm npaj kev qhia vim tsis muaj neeg txaus ua hauj lwm thiab cov neeg ua hauj lwm hauv chav kawm ntawv tsis yog cov xib fwb tau ntawv tso cai

Piav txog lwm yam teeb meem uas ua rau koj muaj kev nyuaj siab thiab seb qhov nyiaj no yuav pab txhawb tau koj li cas. Tsis tas li ntawd, piav qhia seb qhov nyiaj pab no yuav pab koj daws cov teeb meem ntawd li cas.

### **Kev Vaj Huam Sib Luag thiab Kev Ncaj Ncees – 20 Qib Yog Qhov Qhab Nees Tau Siab Tshaj**

Piav txog koj lub koom haum txoj kev siv zog txhawb kev vaj huam sib luag, kev ncaj ncees, thiab kev koom tes ntawm txhua haiv neeg. Suav nrog cov hauv qab no:

- Qhia txog cov pej xeem uas tsis tau txais kev pab txaus.
- Piav qhia seb qhov hom phiaj no yuav siv li cas los txhawb nqa kev ncaj ncees rau cov tsev neeg thiab zej zog uas koj pab.

- Piav qhia seb koj yuav npaj thiab nrhiav cov tswv cuab hauv zej zog li cas (piv txwv, niam txiv, para-educators, cov neeg ua hauj lwm tsis muaj ntawv pov thawj, cov tub ntxhais kawm ntawv qib siab) uas muaj kev sib txawv..

### **Cov Peev Xwm Ntawm Lub Koom Haum Ntawm Tus Neeg Thov – 10 Qib Yog Qhov Qhab Nees Tau Siab Tshaj**

Piav txog koj lub koom haum txoj kev muaj peev xwm thiab kev mob siab rau kev tswj hwm qhov hom phiaj no kom tau zoo. Qhia txog cov hauv qab no:

- Cov thawj neeg ua hauj lwm khiav dej num uas yuav tau cov nyiaj los txhawb lawv rau lub hom phiaj no.
- Txhua tus neeg ua hauj lwm uas tsis tau nyiaj los ntawm qhov nyiaj pab (cov neeg ua hauj lwm uas tej zaum yuav pab ua qhov hom phiaj no kom tiav, tab sis yuav tsis tau txais nyiaj them) thiab lawv lub luag hauj lwm uas cuam tshuam nrog lub hom phiaj.
- Koj lub hom phiaj yuav ntiav cov neeg txawj ntse sab nraud nrog cov nyiaj pab no, thiab cov neeg uas muaj ntawv pov thawj txhawb rau txoj kev ua tiav txhua yam raws cai. Koj yuav ua li cas kom txhua yam teev tseg raws txoj cai?
- Koj yuav siv cov hau kev twg los xyuas kom meej tias, koj tswj tau kom txhua tus neeg pab muaj vaj huam sib luag thiab txais cov kev pab raws lawv siab ntshaw?
- Cov kev koom tes sab nraud (tsis yog cov neeg muaj ntawv cog lus) uas yuav pab rau lub hom phiaj; yuav tau qhia txog lawv txoj kev txhawb koj. Koj muab tau cov ntawv pom zoo, los sis lwm yam ntaub ntawv los ua pov thawj txog txoj kev khiav dej num ua ke.

### **Kev Koom Tes Hauv Zej Zog thiab/los sis Tsev Neeg thiab Kev Nthuav Tawm – 5 Qib Yog Qhov Qhab Nees Tau Siab Tshaj**

Piav txog koj txoj kev koom tes nrog cov tswv cuab hauv zej zog thiab/los sis cov tsev neeg uas yuav pab rau cov dej num. Piav txog cov hauv qab no:

- Vim li cas lawv txoj kev koom tes thiaj li tseem ceeb rau lub hom phiaj no.
- Koj txoj kev sib txuas lus thiab kev nthuav tawm rau cov tsev neeg, los sis cov tswv cuab hauv zej zog, thiab qhia hais tias, koj yuav ua li cas kom koj txoj kev sib txuas txhawb kev koom tes thiab huab hwm sawv daws cov kev koj noj ua.

### **Cov Hom Phiaj, Cov Dej Num, Cov Hau Kev, Cov Txiaj Ntsig Thiab Sij Hawm Ua Tiav – 20 Qib Yog Qhov Qhab Nees Tau Siab Tshaj**

Qhia txog koj cov hom phiaj thiab cov dej num, thiab cov hau kev uas koj yuav siv los ua txhua yam kom tiav nrog cov txiaj ntsig kom zoo. Piav qhia seb cov hom phiaj, dej num, thiab cov hau kev no yuav sib txuas li cas txhawm lub hom phiaj ntawm qhov nyiaj pab no. Thiab qhia seb nws yuav pab cov pej xeem li cas.

Xyuas cov dej num piv txwv uas teev tseg hauv Grow Your Own Early Childhood and Family Educator Grants Instruction Document. Muab cov ntaub ntawv hais txog kev nrhiav neeg, kev txhawb nqa txuas ntxiv, kev ntsuam xyuas, thiab lwm yam phiaj xwm thiab dej num uas yuav pab kom qhov kev pab cuam no ua tiav.

Luam thiab muab cov lus nug hauv qab no lo rau seem qhia txog lub hom phiaj thiab/los sis cov dej num. Xyuas kom koj cov hom phiaj thiab dej num no meej, ntsuas tau, ua tau, muaj feem, thiab tiav log raws lub sij hawm teev tseg (SMART). Teev cov sij hawm kwv yeas rau kev ua tiav ntawm txhua lub hom phiaj.

**Lub Hom Phiaj 1:**

**Dej Num 1:**

**Txaj Ntsig Xav Tau thiab Cov Neeg Tau Txaj Ntsig:**

**Tus Neeg Saib Xyuas Dej Num:**

**Sij hawm Kwv Yeem Ua Tiav:**

**Txoj Kev Ntsuam Xyuas – 5 Qib Yog Qhov Qhab Nees Tau Siab Tshaj**

Lub Xeev cog lus tias yuav pab nyiaj rau cov kev pab cuam uas tsim cov txiaj ntsig kom zoo, thiab/los sis tsim cov khoom uas cov pej xeeb hauv Minnesota xav tau, raws li tau teev tseg hauv daim ntawv thov. Kev ntsuam xyuas pab qhia tau txoj kev zoo ntawm lub hom phiaj thiab yuav txhawb kev txiav txim rau yav tom ntej. Kev ntsuam xyuas siv cov ntaub ntawv kwv yeas, cov ntaub ntawv muaj nuj nqis, thiab qee zaus, cov kev xam phaj.

- Koj txoj kev npaj kev ntsuam xyuas yuav tsum:
- Muaj cov lus nug uas kev ntsuam xyuas yuav teb.
- Piav qhia txog cov txheej txheem thiab txoj kev ceev cov ntaub ntawv.
- Piav qhia seb leej twg yuav ua cov dej num txhawm rau kev ntsuam xyuas (cov neeg ua hauj lwm los sis cov neeg xauj sab nraud).

**Excel Budget nrog Kev Piav Qhia – 5 Qib Yog Qhov Qhab Nees Tau Siab Tshaj**

Hauv daim ntawv teev nyiaj, sau txhua “tab” uas cuam tshuam rau cov xyoo nyiaj txiaj uas koj tab tom thov nyiaj pab rau. Tag nrho cov qhab nees muaj peev xwm tau siab tshaj rau daim ntawv teev nyiaj yog 5 qib.

Cia cov “tab” ntawv qhuav rau txhua xyoo nyiaj txiaj uas hla dhau koj lub sij hawm kawg, uas tau thov nyob hauv daim coversheet. Piav qhia txhua qhov kev siv nyiaj uas tsim nyog thiab muaj feem xyuam rau cov hom phiaj thiab dej num, thiab kev siv cov zauv nyiaj uas muaj, txhawm rau lub hom phiaj teev tseg.

Raws li tau hais nyob rau hauv [Laws of Minnesota 2023, chapter 54](#), tshooj 6, **cov neeg tau txais nyiaj pab yuav tsum siv yam tsawg kawg 80 feem pua ntawm cov nyiaj pab rau cov tub ntxhais kawm, cov kev pab cuam kawm ntawv, los sis cov kev qhia tshwj xeeb rau cov tub ntxhais kawm los sis rau cov kev xyaum ua hauj lwm.**

Muab cov lus piav qhia hauv daim ntawv teev nyiaj Excel budget, kho kom muaj cov hauv qab no:

- Muaj cov lus piav qhia txaus hauv cov kab sau ntawv txog cov nyiaj siv yuav cov khoom.
- Cov neeg tshuaj xyuas muaj kev txiav txim tau tias, qhov nyiaj pab yuav haum nrog cov dej num ntawm lub hom phiaj.



- Cov nqi kwv yees rau cov kev pab cuam uas cov neeg ua hauj lwm thiab cov neeg muaj ntawv cog lus ua yuav tsum muaj cov ntawv thwj cov dej num ua.
- Daim ntawv teev nyiaj cov nyiaj yuav siv muaj kev tsim nyog siv thiab tsim nyog li txoj cai rau qhov kev vam meej thiab lub hom phiaj.

**Tsim nyog** txhais tau tias nws yog ib qho tseem ceeb rau qhov kev vam meej ntawm lub hom phiaj. **Tsim nyog li txoj cai** txhais tau tias tus nqi them ua lag luam ncaj ncees.

## Webinar Qhia Txog Cov Ntaub Ntawv

Yuav muaj ib qho webinar rau cov neeg thov nyiaj pab uas xav koom rau hnuv Wednesday, Lub Cuaj Hli 18, 2024, thaum 4-5 teev tsaus ntuj. Lub hom phiaj ntawm qho webinar no, yog rau cov neeg thov tshiab, los sis rau cov uas rov qab thov dua thiab xav paub txog cov nyiaj pab. [Koom nrog qhov Zoom thaum 4 teev tsaus ntuj rau Lub Cuaj Hli 18.](#)

## Cov Lus Nug Los Ntawm Cov Neeg Thov Nyiaj Pab

Tus neeg sawv cev rau qhov hom phiaj no, muab teev hauv qab no thiab tuaj yeem pab tau teb tau cov lus nug.

Kelly Kazeck, Early Childhood Workforce Collaboration Specialist

[kelly.kazeck@state.mn.us](mailto:kelly.kazeck@state.mn.us)

Tag nrho cov lus nug yuav tsum raug xa mus rau tus neeg tiv tauj rau qhov kev pab ua ntawv email ua ntej lub Cuaj Hli 27, 2024. Ib daim ntawv nrog tag nrho cov lus nug thiab lus teb yuav raug tshaj tawm rau daim nplooj ntawv online tom qab lub Kaum Hli 2, 2024.

Cov lus nug cuam tshuam txog qhov nyiaj pab no, cov lus teb **tsuas yog** teb tau los ntawm tus neeg sawv cev rau MDE raws li tau teev saum toj no, los sis tus neeg ua hauj lwm hauv nws qab tswj hwm xwb. Cov ntaub ntawv tau qhia los ntawm ib tus neeg uas tsis tau tso cai muaj feem muaj tej yam uas tsis raug li qhov muaj.

## Kev Kos Npe thiab Cov Lus Qhia Txog Kev Xa Daim Ntawv Thov

### *Kos Npe Electronic*

Peb xav kom koj kos npe rau daim ntawv thov siv Adobe Digital signature. Tom qab koj daim ntawv thov tiav lawm thiab npaj txhij rau tus neeg muaj cai (IOWA) kos npe, ua raws li cov kauj ruam no.

### **Kos Npe Digital Tshiab**

1. Right click rau ntawm lub thawv kos npe
2. Xaiv "Configure Digital ID"
3. Xaiv "New Digital ID" thiab "Save to File"
4. Sau cov ntaub ntawv kom raug, suav nrog koj lub npe, koom haum, thiab email chaw nyob, tom qab ntawd nias "Continue."
5. Sau ib tug password thiab nias "Save."
6. Khaws daim ntawv tiav lawm kom npaj xa mus rau MDE.

## **Kos Npe Digital Uas Twb Muaj Lawm**

1. Right-click rau ntawm qhov chaw kos npe.
2. Xaiv "Sign Document."
3. Hauv lub qhov rai tshiab, xaiv qhov file Digital ID uas yog thiab nias "Continue."
4. Rov xyuas cov ntaub ntawv kom nws yog, sau koj tus password, thiab nias "Continue."
5. Khaws daim ntawv tiav lawm kom npaj xa mus rau MDE.

Nco tseg: Yog tias koj hloov cov ntaub ntawv twg hauv daim ntawv thov tom qab kos npe lawm, koj yuav tsum tau muaj daim ntawv thov kos npe dua.

## ***Cov Lus Qhia Txog Kev Xa Daim Ntawv Thov***

Daim ntawv thov yuav tsum tau txais ua ntej Lub Kaum Hli 18, 2024, thaum 5 teev tsaus ntuj (Central Time) thiaj yuav tau kev txiav txim siab rau. Peb yuav tsis txais daim ntawv thov uas tuaj lig.

Ntxiv ib daim ntawv luam ntawm daim coversheet rau daim ntawv thov kos npe, kev lees paub, thiab cov lus piav qhia (ua PDF hom ntawv) thiab ib daim ntawv luam ntawm cov peev txheej uas tiav lawm (ua Excel hom ntawv). Xa cov ntaub ntawv no mus rau [mde.compgrants@state.mn.us](mailto:mde.compgrants@state.mn.us) nrog cov kab lus sau hais tias "**GYO Early Childhood Educators Grant**," ua ntej **lub npe ntawm koj lub koom haum**. Koj yuav tsum tis npe rau tag nrho cov ntaub ntawv nrog lub npe ntawm koj lub koom haum, ua ntej **lub npe ntawm daim ntawv**. Piv txwv: Yog tias ABC Public Schools xa daim ntawv thov, lub npe ntawm cov ntaub ntawv xa yuav tsum yog "**ABC Public Schools Application**" thiab "**ABC Public Schools Budget**."

**Peb yuav tsis txais daim ntawv thov uas xa los ntawm fax, los ntawm SERVS system, los sis khaws tseg ua Google docs.**

Cov nqi cuam tshuam txog kev npaj daim ntawv thov yuav tsum tau them los ntawm tus neeg thov. Tus neeg thov muaj lub luag hauj lwm los qhia kom meej tias daim ntawv thov tau xa raws sij hawm.

## **Kev Soj Ntsuam thiab Kev Tshawb Xyuas Daim Ntawv Thov**

### ***Kauj Ruam 1: Kev Soj Ntsuam***

Cov ntawv thov uas ua raws li cov cai hauv qab no yuav raug xa mus rau kev tshuaj xyuas ntxiv thiab kev txiav txim.

1. Tau txais ua ntej lub sij hawm teev tseg (tsis yog tsuas yog sau ntawv xa tawm xwb).
2. Daim ntawv thov suav nrog cov lus piav qhia thiab cov peev txheej.

### ***Kauj Ruam 2: Muab Cov Ntu Hauv Daim Ntawv Thov Qhab Nees***

Hauv seem no, koj daim ntawv thov yuav raug tshuaj xyuas los ntawm ib pab neeg tshuaj xyuas. Txhua tus neeg tshuaj xyuas yuav muab qhab nees rau txhua seem hauv qab no. Tag nrho cov qhab nees tau siab tshaj rau qhov kev pab no yog 100.

- Lub Koom Haum thiab Ntsiab Lus Ntawm Qhov Kev Pab – 10 Qib

- Daim Ntawv Qhia Txog Kev Xav Tau – 25 Qib
- Kev Vaj Huam Sib Luag thiab Kev Ncaj Ncees – 20 Qib
- Cov Peev Xwm Ntawm Lub Koom Haum Ntawm Tus Neeg Thov – 10 Qib
- Kev Koom Tes Hauv Zej Zog thiab/los sis Tsev Neeg thiab Kev Nthuav Tawm – 5 Qib
- Cov Hom Phiaj, Cov Dej Num, Cov Hau Kev, Cov Txiaj Ntsig Thiab Sij Hawm Ua Tiav – 20 Qib
- Txoj Kev Ntsuam Xyuas – 5 Qib
- Excel Budget nrog Kev Piav Qhia – 5 Qib

Grant Services tuaj yeem tiv tauj cov neeg tshuaj xyuas kom tau txais kev piav qhia meej txog lawv cov lus teb, tom qab kev tshuaj xyuas tiav lawm. Qhov qhab nees kawg yuav raug txiav txim los ntawm kev sib suav cov qhab nees nruab nrab ntawm txhua tus neeg tshuaj xyuas, ntxiv rau qee yam qhab nees ntxiv uas MDE muab.

### ***Kauj Ruam 3: Xyuas Cov Txiaj Ntsig thiab Ceeb Toom Rau Cov Neeg Thov Nyiaj Pab***

Grant Services yuav nthuav qhia cov txiaj ntsig los ntawm thawj ob kauj ruam ntawm kev tshuaj xyuas rau cov neeg ua hauj lwm thiab cov thawj coj. Feem ntau, cov ntawv thov uas tau qhab nees siab tshaj plaws yuav tau txais kev pab nyiaj. Cov programs yuav tau cov nyiaj pab uas sib txawv ntawm qhov uas tus neeg thov tau thov. Thaum lub sij hawm no, los sis lub sij hawm tom ntej, cov neeg ua hauj lwm rau qhov program, los sis cov neeg ua hauj lwm rau Grant Services yuav hu rau, koj kom paub meej txog ib los sis ntau qhov ntawm koj daim ntawv thov. Txhua qhov kev txiav txim siab nyiaj pab los ntawm MDE tsis muaj kev hloov pauv tau.

### ***Kauj Ruam 4: Kev Ntsuam Xyuas Kev Phom Sij Ua Ntej Muab Cov Nyiaj Pab thiab Kev Xyuas Kev Ua Hauj Lwm Yav Dhau Los***

Tom qab ceeb toom rau cov neeg thov txog peb cov kev txiav txim siab, tab sis ua ntej ua tiav OGAN (Official Grant Award Notification), thiab yog tias cov nyiaj pab tshaj \$25,000, MDE yuav ua ib qho kev ntsuam xyuas ua ntej. Nws yuav ntsuam xyuas txog cov nyiaj txiag ntawm cov neeg tau txais nyiaj, thiab tshuaj xyuas lawv qhov kev ua hauj lwm yav dhau los ua ntej tau kev pab los ntawm MDE. Nws yuav ntsuam xyuas txog cov ntau ntawv ntxiv, xws li kev tshuaj xyuas nyiaj txiag ib yam nkaus thiab.

### ***Kauj Ruam 5: Kev Tsim OGAN los sis Lwm Daim Ntawv Pab Nyiaj***

Tom qab cov nyiaj tau tshwm mus pab thiab kev ntsuam xyuas tiav log lawm, tus kws tshaj lij nyiaj pab yuav npaj ib daim ntawv OGAN, los sis lwm daim ntawv pab nyiaj kom MDE kos npe rau. MDE muaj ib txoj cai thim nyiaj rov qab rau koj rau txhua cov nuj nqis uas muaj tom qab daim ntawv OGAN sau tiav lawm. Yog tias koj raug xaiv rau kev pab nyiaj thiab koj pib ua hauj lwm ntawm ua ntej daim ntawv OGAN, los sis lwm daim ntawv pab nyiaj tau kos npe tag nrho, MDE yuav tsis kam them cov nuj nqis ntawd.

### ***Kev Foob Nce Xam Tsis Txaus Siab Nrog Kev Txiaj Txim***

Yog tias koj daim ntawv thov tsis muaj kev pom zoo raws li txoj cai hauv xeev, los sis cov phiaj xwm hauv tsoom fvv, koj tuaj yeem thov kom tib neeg rov tshuaj xyuas qhov kev txiav txim. Koj tuaj yeem xa tau ib daim ntawv ceeb toom thiab qhia tias nws txhaum txoj cai twg. Xav paub ntxiv, saib Title 34 CFR 76.401. Nco ntsoov tias

qhov kev thov rov tshuaj xyuas no, tsuas yog hais txog cov txheej txheem xwb; kev txiav txim siab txog kev pab nyiaj tsis tuaj yeem rov xyuas dua.

Koj yuav tsum tiv tauj tus Kws Saib Xyuas Nyiaj Pab rau ntawm [mde.compgrants@state.mn.us](mailto:mde.compgrants@state.mn.us) Yog tias koj muaj lus nug txog cov txheej txheem los sis xav thov rov tshuaj xyuas dua.

### ***Kev Ncua Sij hawm***

Cov teeb meem hauv qab no tuaj yeem ncua tau sij hawm ntawm cov nyiaj pab.

- Kev qhia meej txog cov peev txheej los sis kev khiav dej num
- Cov zauv UEI uas tsis tau muab, los sis siv tsis tau
- ZIP code uas tsis tau
- Cov zauv Vendor ID hauv xeev uas siv tsis tau
- Kev Ntsuam Xyuas Kev Phom Sij Ua Ntej Muab Cov Nyiaj Pab

Lub koom haum kwv yees hais tias, qhov kev tshuaj xyuas yuav tiav thaum Lub Kaum Ob Hlis 2024. Cov neeg thov yuav tau txais kev ceeb toom ob lub lis piam tom qab kev tshuaj xyuas tiav. Cov lus qhia rov qab ntawm kev tshuaj xyuas yog ntaub ntawv pej xeev xwb, tab sis tsuas yog tom qab kev pab nyiaj sib tw tiav log. Yuav tsis muaj kev tshwm sim ua ntej OGAN tau kos npe tiav.

Minnesota Department of Education

400 NE Stinson Blvd.,  
Minneapolis, MN 55413-2614  
T: (651) 582-8200  
TTY: (651) 582-8201

<https://education.mn.gov>

Daim ntawv no muaj ua lwm hom ntawv los ntawm kev hu rau (651) 582-8651. Cov neeg uas tsis hnov lus, los sis muaj teeb meem txog kev hais lus, tuaj yeem tiv tauj Minnesota Relay Service los ntawm kev nias 711 los sis hu rau (800) 627-3529.

Lub Xeev Minnesota yog ib lub Koom Haum Uas Txhawb Kom Sawv Daws Muaj Vaj Huam Sib Luag